

御批歷代通鑑輯覽卷之九十五

元

世祖皇帝

帝名呼必賚太祖少子圖類

追諡睿宗事具前

第四子母奇味

氏

諡莊聖太后舊作怯烈氏今改

帝嗣位始建元立國號

俱見前

滅宋而

有天下

丙子至元十三年

宋益王是景炎元年臨安宋統已絕依前夏商例一歲兩係三

是年三月元兵入

月以前為宋帝熈德祐二年三月以後為元世祖至元十三年仍以宋二王紀年附注其下

春三月以

阿樓罕董文炳行省事于臨安

巴延自臨安北還承制留阿樓罕董文炳經畧閩浙以

蒙固岱鎮浙西索多鎮浙東會江西都元帥蘇都爾岱

宋中興書書四不第大
則自丙子二月以後正統
創當歸之于元若是局二

王崎嶇海島雖諸臣殉國苦心而殘喘苟延流離失據不復成其爲君且奉表請降于元正與明唐桂二王之竄跡聞滇者無異朕近於國史傳凡斥唐桂二王諸臣爲僞者概令更正爲明蓋以其猶存一綫雖不足稱正統然謂之爲僞實不可此萬世之公論也今續綱目于景炎祥興仍斥大書紀年則又阿徇不倫乖史筆之正卽如元白順帝北遷沙漠未嘗不予孫繼立苗裔屢傳然旣委棄中原編年者卽不復大書故號此正也則知是曷之已失中原而仍大書故

言宋二王在閩廣聚兵將攻江西乃遣達春移軍與李恆呂師夔會阿樓罕文炳同取未下州縣以追二王

閏月宋陳宜中等奉益王昀開府福州

宋陸秀夫蘇劉義等聞二王走溫州相繼追及于道遣

人召陳宜中于清澳宜中來謁復召張世傑于定海世

傑亦以所部兵來溫之江心寺

在今永嘉縣孤嶼山麓

舊有宋高

宗南奔時御座眾相率哭座下奉益王昀爲都元帥廣

王昀副之發兵除吏以秀王與樸爲福建察訪使先入

閩中撫吏民諭同姓檄召諸路忠義同謀興復會謝太

后遣二宦者以兵百人召二王還臨安宜中等沈其兵

江中遂入閩時汀建諸州方謀從黃萬石納款

萬石嘗爲福建

號之非正矣夫廢興代嬗其書法自有一定不可稍存偏祖之私且史鑑所以昭法戒亦使爲君者知統緒存亡當慎苟桑而稟馭枋苟弗克保承世業至于上字夫守大命以傾卽則徇欺世苟延數日之虛名亦無補于救敗埋本至公而垂戒亦至切也因爲改正書法而闡其大旨如此

漕使故降附後欲聞二王至復閉門以拒萬石南建應

劍宋南劍州屬守臣林起鼃遣軍攻之萬石敗走宋人

兵勢稍振時宋人傳檄嶺海言夏貴已復潁江州邵諸

還靜江獨廣西宣慰使史格曰君等勿爲虛聲所懼待

貴踰嶺審不可北歸取途雲南未爲不可豈敢輒棄戍

哉行省又欲棄廣之肇慶德慶封州併兵戍梧州亦

宋主熈時熈已降續綱目尙書帝非是至瓜洲李庭芝使

姜才將兵襲瓜洲不克

宋主熈北行至瓜洲李庭芝與姜才涕泣誓將士出兵

奪兩宮將士皆感泣乃盡散金帛犒兵以四萬人夜擣

瓜洲戰三時眾擁熈避去才追戰至浦子市夜猶不退

阿珠使人招之才曰吾寧死豈作降將軍邪真州苗再

成亦謀出兵奪羃不克。

夏五月宋人奉益王昀立于福州。

宋陳宜中等共立益王。改元景炎。尊度宗淑妃楊氏爲皇太妃。同聽政。遙上宋主羃尊號爲孝恭懿聖皇帝。又上謝太后全太后尊號。進封廣王昺爲衛王。升福州爲福安府。以大都督府爲垂拱殿。便廳爲延和殿。王剛中知福州府。是日有大聲出府中。眾皆驚仆。

宋以陳宜中爲左丞相兼樞密使都督諸路軍馬。陳文龍

劉黻參知政事。

黻尋卒。

張世傑爲樞密副使。陸秀夫簽書樞

密院事。

續綱目作直學士院。按宋史本紀及秀夫傳皆云爲端明殿學士簽書樞密院事。與續綱目不同。似

得其實。今從之。

陳宜中以陸秀夫久在兵間知軍務每事咨訪始行秀

夫亦悉心匡贊久之與宜中議不合宜中使言者劾罷

之乃謫居潮州

時又以蘇劉義主管殿前司召李庭芝爲右丞相姜才爲保康軍承宣使

宋以趙潛爲江西制置使吳浚

字允文吁江人

爲江西招諭使

宋人謀起兵興復以潛爲制置使進兵邵武謝枋得進

兵饒州李世遠方興等進兵浙東吳浚爲招諭使鄒淵

字鳳叔吉水人副之毛統由海道至淮約兵會合仍詔傳卓翟

國秀等分道出師時枋得敗走已不能軍

宋以文天祥爲樞密使同都督諸路軍馬

天祥自溫州至福州拜右丞相兼樞密使都督諸路軍

馬天祥以國事皆決于陳宜中固辭不拜乃以爲樞密

使同都督天祥使呂武

太平州人

招豪傑于江淮杜潁募兵

于溫州

封宋主燾爲瀛國公

初宋吳堅等至燕不得命留館中賈餘慶病卒惟家鉉

翁聞國亡旦夕哭泣不食飲者數十日宋主燾及全太

后至燕高應松亦不食卒堅及鉉翁迎謁伏地流涕稱

謝奉使無狀不能保存宗社巴延遂以燾赴上都見帝

于大安殿降封瀛國公凡家貲在杭越者有司輦至京

師付之

帝嘗召宋降將問曰汝等降何容易對曰賈似

道專國侮優禮文士而輕武臣臣等久積不平

故望風送款

帝遣董文忠語之曰似道實輕汝曹特似

道一人之過汝主何負焉正如汝言則似道輕汝也固

文武分途並進用本相各
原不可崎嶇崎重乃未崎
士大夫積習往往賤武而
尊文本不可爲訓至賈似
道秉約更復痛加裁抑令
其受制毛錙馴至內外乖

離望風解體控制失宜其
外口無可貨顧名分所昭
天澤有定既膺闡在即裁
在死綏告以御將乖方遂
爾甘心負上實為悖逆之
尤元主所言大義凛然不
但杜亂臣之口亦足褫其
魄矣

以巴延同知樞密院事

巴延入朝帝命百官郊迎以勞之既至拜同知樞密院

事尋詔以滕州

元屬廣西道今為縣屬梧州府

等處五千戶為食邑

建康安撫使索多克衢州宋江東西湖南北宣撫大使留

夢炎降

宋時衢婺諸州皆復起兵董文炳謂索多曰嚴州不守臨

安必危公往鎮之未十日諸州連兵來攻索多連戰三

月遂克婺州衢守備甚嚴索多率總管高興等鼓譟先

登拔其城宋故相留夢炎降

六月阿爾哈雅遣將克廣州

宋廣東經畧使徐直諒遣其將梁雄飛請降于隆興阿

爾哈雅假雄飛招討使使徇廣東既而直諒聞益王昞

立乃復遣權通判李性道摧鋒軍將黃俊等拒雄飛于

石門山名在今廣州府南海縣西北兩山對峙屹若門關性道不戰俊戰敗直諒

棄城遁雄飛遂入廣州諸降將皆授以官俊獨不受被

害

宋吳浚兵敗于南豐

浚聚兵于廣昌宋縣今屬建昌府復取南豐宜黃俱見前寧都宋縣

今為州直隸江西三縣翟國秀取秀山傅卓至衢信諸縣民多

應之者會浚兵敗國秀引還卓兵亦敗詣江西元帥府

降已而張世傑遣都統張文虎與吳浚合兵十萬期必復建昌與元帥李愷戰兵敗浚奔寧都

秋七月宋文天祥開府南劍州

天祥欲還溫州以圖進取陳宜中不從蓋宜中棄溫州入閩欲倚張世傑復浙東西以自洗濯乃命天祥開府南劍州經畧江西

宋揚州守將朱煥泰州裨將孫貴等以城降李庭芝姜才死之淮東州縣皆平

初臨安旣下阿珠以宋謝太后手詔諭庭芝使降庭芝登城謂使者曰奉詔守城未聞有詔諭降也及宋主熈次瓜洲謝太后復賜庭芝詔曰此詔卿納欵日久未報豈未悉吾意尙欲固圉邪今吾與嗣君旣已臣伏卿尙爲誰守之庭芝不答命發弩射之一使斃餘皆奔去阿珠乃遣兵守高郵寶應以絕其餉道復遣使者持帝手

詔招降庭芝開壁納使者斬之焚其詔陴上既而淮安

盱眙泗州糧盡皆降庭芝猶括民間粟以給兵粟盡令

官人出粟粟又盡令將校出粟雜牛皮麴蘖給之兵有

自食其子者猶力戰不屈姜才聞高郵米運將至出步

騎五千戰於丁村自夜達旦董士元一名布哈字長卿文炳長子戰

死阿珠使巴延徹爾舊作巴顏察爾今改救之所將皆阿珠麾下

才軍識其旗幟皆潰才脫身走阿珠請帝降詔赦庭芝

焚詔殺使之罪令早歸款庭芝不納會福州召命至庭

芝令制置副使朱煥守揚而自與姜才將兵七千趨泰

州將東入海庭芝既行煥即以城降阿珠分道追及庭

芝殺步卒千餘人庭芝走入泰州阿珠圍之會姜才疽

庭芝固守揚州力戰不下

江淮殘局藉以支撐宋人

忽爾不還白撒滿敵固為

非計庭芝聞命自當執賊

亡與亡之義。誓以死守。何亦援不侯。駕之說。遽事過。征且以鎮守。重寄委付。非入身甫。東行。朱煥卽以城降。敵遂至。進退失據。力屈。捐軀惜乎有忠貞之節。而智不足以濟之也。

發背不能戰。泰州裨將孫貴。胡惟孝。開北門以降。庭芝赴蓮池中。水淺不死。遂與姜才俱被執。至揚州。阿珠責其不降。才曰。不降者我也。憤罵不已。然猶愛其才勇。未忍殺之。朱煥請曰。揚自用兵以來。積骸滿野。皆庭芝與才所爲。不殺之何俟。阿珠乃皆殺之。揚民聞者。莫不泣下。阿珠旣破揚州。攻真益急。趙孟錦乘霧出襲。霧開。眾見其兵少。逐之。孟錦登舟。失足墮水中。死焉。城遂陷。苗再成不屈死。帝召阿珠入朝。賜泰興戶二千爲食邑。

宋趙與樸圍婺州。董文炳拒卻之。

宋楊亮節居中秉權。與樸多所諫止。遂犯忌嫉。諸將俱憚之。至是遣與樸出兵浙東。宋廷臣皆言與樸有劉更生之忠。曹王皋之孝。宜留輔以隆國本。譖者益急。卒遣

之。

封宋謝太后爲壽春郡夫人。

謝太后以病久留臨安。至是自宮中舁其牀以出。侍衛七十人遂赴燕降。封壽春郡夫人。

九月。命阿樓罕達春等分道將兵入閩廣。

阿樓罕董文炳及蒙固岱索多以舟師出明州。達春及呂師夔李恆等以騎兵出江西。

阿爾哈雅將兵入廣西。宋都統馬堅

岩昌人。

力戰禦之。

初。宋徵知邕州馬堅入衛。未行而臨安破。因留靜江。總

屯戍諸軍。會帝使阿爾哈雅取廣西。堅發所部及諸峒

兵守靜江。而自將三千人守嚴關。

在今桂林府興安縣西南。爲楚粵咽喉。

前軍攻之不克。乃以偏師入平樂。宋郡。今爲府。屬廣西。過臨桂。宋縣。

今屬桂林府。夾攻。塹退。保靜江。阿爾哈雅使人招降。塹發

弩射之。攻三月。塹夜不解甲。前後百餘戰。城中死傷相

藉。訖無降意。

冬十月。宋文天祥帥師次于汀州。

天祥遣趙時賞。字宗伯。和州人。宋宗室子。等將一軍趨贛。以取寧都。

吳浚將一軍取雩都。漢縣。今屬贛州府。劉洙。字淵伯。廬陵人。等皆自江

西起兵會之。

呂師夔等將兵入梅嶺。遂克韶州。

初。東莞。唐縣。今屬廣州府。民熊飛以兵應趙潛。攻梁雄飛于廣

州。雄飛遁。飛遂取韶州。新會。隋縣。今屬廣州府。令曾逢龍亦帥

兵至廣州李性道出迎謁飛與逢龍執而殺之潛遂入

廣州至是呂師夔等將兵度梅嶺潛使飛及逢龍拒之

于南雄宋置州今爲府屬廣東逢龍敗死飛走韶州追圍之守將

劉自立以城降飛巷戰兵敗赴水死潛棄廣州遁去

十一月阿樓罕董文炳入處州宋趙與樸等逆戰于瑞安

宋置府今爲縣屬温州府敗績死之

與樸與弟與慮子孟備及觀察使李世達監軍趙由瑞

察訪使林溫被執皆不屈而死知處州李珏知瑞安府

方洪俱以城降宋史作洪率眾巷戰兵敗俱死與劉目不同

宋陳宜中張世傑奉益王昀入海

阿樓罕兵至建寧府執守臣趙崇錢知邵武軍趙時賞

等皆棄城去。陳宜中、張世傑備海舟，奉其主昀及衛王楊太妃等登舟。時軍十七萬人，民兵三十萬人，淮兵萬人，與北舟相遇。值天霧晦冥，不辨，舟得以進。

宋福建招撫使王積翁以福州降。

先是，宋以積翁知南劍州，備禦上三州。副使黃恮知漳州，備禦下三州。積翁聞兵至，棄城走福州，遣人送款軍前。至是，阿樓罕軍至福安，積翁爲內應，遂與知州王剛中同降。

宋益王昀走潮州。十二月，宋招撫使蒲壽庚迎謁，請留駐。張世傑不可。初，壽庚提舉市舶，擅舶利者三十年，或勸世傑留壽

庚不遣則凡海舶不令自隨世傑不從縱之歸繼而舟不足乃掠其舟并沒其貲壽庚怒殺宋宗室及士大夫與淮兵之在泉者宜中等乃奉是趨潮州壽庚遂與知泉州田子真以城降。

阿樓罕克興化軍宋知軍事陳文龍死之。

王剛中既降遣使至興化軍文龍斬之而發民兵固守阿樓罕復遣使招之文龍復斬之使部將林華伺于境上華反導阿樓罕兵至城下通判曹澄孫開門降執文龍欲降之文龍指其腹曰此首節義文章也可相逼邪卒不屈乃械送杭州文龍不食死

後阿樓罕北歸文龍之姪瓚復舉兵殺林

華據興化未幾復爲李多所破瓚死之屠其城